

B. N. C.  
FIRENZE  
1057  
II





XXXI.

CARM

17/10



12/1/1914  
12/1/1914  
12/1/1914

10. 1.  
A2

# CONCLUSIONES THEOLOGICÆ

AD MENTEM  
ANGELICI PRÆCEPTORIS  
QUAS

REV. ADM. PATRI NOSTRO OBSERVANDISS.

## P. FR. MARCO

### A S. JOANNE BAPTISTA

MERITISSIME

IN PROVINCIALEM ELECTO

CÆTERISQUE PATRIBVS

IN COMITIIS PROVINCIALIBUS CONGREGATIS

## COLLEGIUM EXCALCEAT.

In filialis obsequii tesseram

D. O. C.



FLORENTIÆ, MDCCXII.

Apud Petrum Matini Archiepiscopalem Typographum. Super. perm.

THE NATIONAL ANTHROPOLOGICAL ARCHIVES  
 UNIVERSITY OF CALIFORNIA  
 3101 LEVEE AVENUE  
 BERKELEY, CALIF. 94720-1388  
 TEL. (415) 848-4200  
 FAX (415) 848-4201  
 WWW.NAA.BERKELEY.CA.EDU  
 THE NATIONAL ANTHROPOLOGICAL ARCHIVES  
 UNIVERSITY OF CALIFORNIA  
 3101 LEVEE AVENUE  
 BERKELEY, CALIF. 94720-1388  
 TEL. (415) 848-4200  
 FAX (415) 848-4201  
 WWW.NAA.BERKELEY.CA.EDU



THE NATIONAL ANTHROPOLOGICAL ARCHIVES  
 UNIVERSITY OF CALIFORNIA  
 3101 LEVEE AVENUE  
 BERKELEY, CALIF. 94720-1388



## RR. ADM. PATRES.



Primum sanè consilium Cognato suo Moyfi dederat Iethro Sacerdos Madian ; qui cum regendi Israelitici Populi promissam sibi terram adeuntis arduum duci negotium prospiceret , eligendoseidem proposuerat ex omni plebe Viros Sapientes , qui cæteris cum ipso præfecti partitum onus ad implendum Dei imperium suapte delinirent . No-  
verat quippe providus Madianites , vel dictante Numine , vel teste experientia opus esse reipublicæ non modo multiplici genere rectorum ,  
quo-



quorum singulari ope singulae eiusdem partes in finem instituantur, sed & maximè rerum cognitionem, atque peritiam in ipsis rectoribus desiderari. Equidem si nemine ambigente omnium exponeretur ludibrio, qui nauticae artis ignarus clavo assideret; simili haud dubiè se periculo daret, qui artem artium, ut Magnus affatur Gregorius, magisterium nempe disciplinae susciperet imperitus. Testatur namque Veritas nullam Deus condidisse rempublicam, ut ab ineptis gubernaretur hominibus, sed à præstantibus non minùs doctrina, quàm pietate viris. Quapropter, cum nullus inter Vos (RR. ADM. PATRES) præeundi honorem spontè sibi assumpserit, sed ij dumtaxat, qui, iuxta Apostolum, vocati sunt à Deo tamquam Aaron, propositi mihi finis Vobis inesse scientiam æquum est arbitrari. Isest etenim theologi Vireti flores ita ab æstu, ventorumque adversis iactatibus illæfos custodire, ut æternitatis fructum reddere mihi possint temporibus suis. Hinc propitij Dynastæ Patrocinium exoptanti quotquot iura nunc tenetis Provinciæ nostræ felici omine unà mihi occurristis, ut tot, tantorumque Virorum obumbrante tutela, ac velut scuto opportunè circumdante Viretum, non minùs audeant flores lucem aspicere, quàm ego inter illos discurrere securus. Valere.


CON.



# CONCLUSIONES THEOLOGICÆ.



## THEOLOGIA, OBIECTVM, NECESSITAS.



*Theologia audito nomine, sermo de Deo, rebusque Divinis mentitus suboriatur, quo Fides saluberrima in nobis gignitur, nutritur, defenditur, & roboratur. S. Aug. l. 4. de Trin. Hinc ejus obiectum si de extensivo loquamur illud est, quod mediatè cadit sub revelatione Divina; si verò de formali sit sermo, Deus solus sub ratione Deitatis per revelationem cognoscibilis; Hæreticus ergo veram Theologiam nullatenus habet, qui vel unico discredens articulo fidem totam amittit.*

2. Sileant Atheistæ: datur Deus, infinitus, simplicissimus, nullumque potentialitatis, aut compositionis admittens vestigium: perfectissimus ita, ut omnes claudat in se perfectiones, aliquas tamen formaliter, aliquas eminenter tantummodò. Ubique est non per essentialiter tantummodò per rationem formalem, sed per operationem virtualiter tantummodò transeuntem. Ad essentialitatem ipsius attributa sequuntur, nulla alia ratione ab eadem discreta nisi virtuali distinctione, quacumque alia rejecta.

3. Quamquam singulos homines Theologos esse non sit necessarium, aliquos tamen extare necesse est, qui fidei veritates alios edoceant, errores impugnent, credendi impedimenta removeant, ac de-

nique fidem adversus Novatores, morumque corruptores illibatam conservent: Necessaria igitur Theologia est non singulis quidem hominibus, sed toti Ecclesie Dei. Habitus illa est naturalis, si entitatem inspiciamus, quosvis alios ejusdem ordinis certitudine, ac dignitate præcellens.

## VISIO, ET SCIENTIA DEI.

**R** Ex seculorum immortalis, & invisibilis per naturam, visibilis fit per gratiam: scilicet *Nos postquam filij erimus resurrectionis, tunc nosse Deum facie ad faciem dignabimur*: Bas. in Psal. 33. quod tamen corporis expers est in carnis oculos etiam glorificatos cadere nequit; solo ergo intellectu visio hæc peragatur, ad quam vel si ad omnipotentiam appelles frustra speciem aut impressam, aut expressam requires, quam omnino impossibilem reputamus.

5. *In lumine tuo videbimus lumen*: Adeo scilicet necessarium est, ut ejus vices supplere, aut sine illo videri nequeat essentia Divina; illo verò confortatus; & potens factus intellectus creatus non per speculum in enigmate, sed facie ad faciem Essentiam, Attributa, Personasque Divinas ita intuitivè rimatur, ut alius alio perfectius pro meritorum tantum diversitate cognoscat, ea tamen conditione, ut neque sine Personis essentia, neque una sine aliis Personis videri possit.

6. Scit omnia Deus summè sapiens, summè intellectivus, & hoc quia summè immaterialis, actus purissimus, cujus essentiam in actu ponimus intelligere, ut sit ipse suimet essentia, ac primordiale obiectum. Omnia ergo scit Deus, vel possibilia, & hæc per simplicem intelligentiam; vel in aliqua differentia temporis existentia, & hæc per scientiam visionis, ad hanc tamen necesse est, ut præterita, præsentia, futura, physice realiterque coexistent æternitati.

7. Est ergo in Deo agnoscenda præscientia cujus profectò *tantos testes habet* (Tertul. 2. contr. Marc. c. 5.) *quantas Prophetas fecit*; Verum in quo medio omnia præsciat exquiris? *Nos ista que fecisti, videmus quia sunt, Tu autem quia vider ea sunt*: D. Aug. 13. Conf. c. 38. Non ergo quia sunt ideo novit, sed quia novit ea sunt, non in super comprehensione aut veritate abiectione, sed scit Deus nostras voluntates videndo suam voluntatem; D. Th. 1. contr. Gent. c. 68. hinc reprobatam habes scientiam quam mediam appellant.

## VOLUNTAS DEI, PRÆDESTINATIO ET REPROBATIO.

8. **F**iat voluntas tua, si quidem tantæ activitatis est, ut circa nullum volubile potuerit manere suspensa; tantæ actualitatis, ut absque distinctione, vel virtuali, suus sibi metipſi, sit actus: Ejus formale obiectum, motivum vel terminativum hoc sit sola Divina bonitas est, quam necessariò amat, contingenter verò creatam, nullo modo possibilem. Ut natura non distinguitur à se ipsa ut libera nec virtualiter, attingit & materiale peccati, materialiter tamen conceptum.

9. *Omnes sorte vocati sumus, prædestinati secundum propositum ejus, qui operatur omnia secundum consilium voluntatis suæ* (ad Eph. 1.) Neque enim nos ipsum elegimus, sed ipse elegit nos ante mundi constitutionem ut essemus sancti, (ibidem). Quæ adeoque ad sanctitatem, & ad gloriam electio, non ex prævisis meritis, sed omninò gratuita dicenda est. Prædestinatio actus est intellectus, imperium scilicet, connotans Divinæ voluntatis decretum: sunt ejus effectus prædestinati sublatia, glorificatio, iustificatio, vocationesque interruptæ, &c.

10. Deus, qui justus est, non potest quemquam sine demeritis damnare, poruit tamen reprobatione negativa excludere homines à Regno cælesti, ut beneficio præcisè indebito; quotquot igitur sunt tali reprobatione exclusi, nullam suæ reprobationis in se ipsis causam requirant, secus autem qui ad pœnam in tenebras eiiciuntur. Reprobationis effectus sunt peccatorum permissiones, finalis impotentia, denegatio gloriæ, ac denique omnia quæcumque dona collata reprobis.

## SS. TRINITATIS MYSTERIUM.

11. **F**ides Catholica hæc est, ut unum Deum in Trinitate, & Trinitatem in unitate veneremur, neque confundentes Personas, ut Sebellius, neque substantiam separantes, ut Arius. Una ergo atque indivisa existente natura, *numerabilis facta est Sanctissima Trinitas tribus personalibus subsistentiis*; nempe Pater est, qui generat, Filius, qui gignitur, & Spiritus Sanctus qui ab utroque procedit, ut distinctiones sint in Personis, unitas in natura, quæ non est generans, neque genita, neque procedens.

8  
12. Ex hac Fidei confessione duplicem ad intra processionem cognoscere necesse est, quarum una per intellectum, per voluntatem altera: illam generationem esse, hanc minimè fides docet; cujus discriminis ratio, quia Filius vi processionis in similitudinem naturæ procedat, quod Spiritui Sancto negamus. Dux igitur Processiones, tres verò Personæ, ac quatuor sunt relationes: harum tres ab invicem realem distinctionem important, spiratio autem activa à Paternitate, & filiatione non sic, nulla tamen perfectionem relativam importat.

13. In principio erat verbum, secunda scilicet Trinitatis Persona, quæ ex cognitione omnium, quæ sunt in Deo necessariò, imò & creaturarum possibilitium procedens, Verbi nomine propriè designatur, nec minùs filii, ac imaginis titulo nuncupatur, qui termini ipsi soli sunt proprii, quippe relativè dicitur Filius, relativè Verbum, ac imago, idemque omninò conceptus est ratio Verbi, ac Filij. Consubstantialis cum Patre est, ut Nicæna Synodus adversus Arrianos Fidei Symbolo inseruit,

14. Cum venerit Paraclytus, quem mittam vobis à Patre, quæ utique tertia Trinitatis Persona est, ac propriè dicitur Spiritus, Donum, & Amor, cujus processio unicum habens principium, duas tamen Personas expostulat necessariò, tantaque processionis ejus à filio necessitas est ut si ab illo non procederet, nec etiam distingueretur realiter. Ejus processio generatio non est, Deus tamen est, ut contra Macedonium Fides docet Catholica, ac Synodus Generalis secunda, contra eosdem Hæreticos congregata,

## A N G E L I .

15. **D**Eus simul ab initio utramque de nihilo condidit creaturam, spiritualem, & corpoream, Angelicam videlicet, & mundanam (cap. firmiter) spirituales sunt ergo Angeli cujuscunque expertes materie, vel si illam spiritualem effingas, ac ita numero immultiplicabiles, ut impossibile sit duos esse ejusdem speciei. Æquivocè in loco ponitur, sed ratio formalis non ejus substantia, verum potentia operativa cum exercitio, à quo ubicatio ipsa distincta non est, potest de extremo ad extremum sine medio transire.

16. Ut se ipsum cognoscat propria ei deservit ut impressa species essentia, quilibet autem quamquam inferior perfectè superiorem comprehendit, at quo superior est Angelus, eo universaliore habet inditas spe-

species. Deus omnium corda novit, Angelus autem, quæ ad ordinem universi spectant cognoscens, cum ad cordis secreta venimus prorsus in obscuro laborat nisi ad eum ordinentur: Sic de futuris contingentibus, ac gratiæ mysteriis demptâ revelatione sustinemus.

17. Intellectualem creaturam in omni ordine indefectibilem absolute impossibilem reputamus; possibilis tamen, ac de facto impeccabilis Angelus est circa finem naturalem directè, eius autem deformitas nec in primo instanti, nec connaturaliter, nisi a peccato superbiæ initium sumere potuit, quod nec error præcessit, aut potuit præcedere. Quid autem peccati ejus fuerit obiectum inquiris? Non omnimoda cum Deo æqualitas, sed beatitudo naturalis sine subiectione ad supernaturalem concupita.

## FINIS. BEATITUDO. VOLUNTARIUM.

18. **G**audet media intrinseca bonitate, sola tamen bonitas finis formaliter voluntatem specificat, illorum verò electionem; omnes ergo, & solas actiones humanas esse propter finem ultimum necesse est, adeoque Bruta non agunt propter finem formaliter. Finis ultimus peccantis mortaliter est bonum commutabile, sub ratione boni proprii ipsius, in quo quæritur quæ sua sunt. D. Aug. 14. Civ. c. ult. *amore sui usque ad contemptum Dei*. Finis autem ultimus iusti quamvis peccantis venialiter est Deus affectus habitualiter.

19. Formalis beatitudo possessio Dei est, cujus essentia si metaphysicè consideretur, in sola Dei unius, & trini clara visione consistit; nempe *visio est tota merces*: atque adeo felix est visio, ut omnem tollat miseriam, beatosque ab intrinseco impeccabiles reddat. Ex tali Beatorum visione deinde assignandæ veniunt, tum animæ, tum corporis dotes nempe pro illa Visio, comprehensio, & Fruitio, pro corpore verò Subtilitas, Impassibilitas, Agilitas, & Claritas.

20. Voluntarium dicitur, quod est ab intrinseco cum cognitione, aliud perfectum, aliud imperfectum, perfectum verò, vel liberum, vel necessarium est, male proinde confunditur voluntarium cum libero, ac proinde falsæ propositiones, *Sola violentia repugnat libertati: & quod voluntarie fit, &c.* Duplex libertas est specificationis una, contradictionis altera: ad primam requiritur, ut voluntas possit hoc, vel illud eligere, hoc acceptare, illud respuere: ad secundam, ut possit hoc facere vel non facere, agere, vel non agere.

21. Viatoris voluntas à nullo creato obiecto quoad exercitium necessitari potest, ac per consequens, nec violentiam pati in elicientia suorum actuum, nec Deus violentum simpliciter causare potest in creatura. Ut sit voluntaria ommissio actum requirit, qui omittendi sit causa, vel occasio, imò & debitum non omittendi si tamen ommissio sit non positio actus, insuper, ut effectus ex omissione secutus imputetur, debet omittens aliquialiter advertere, nihil enim volutum, quia præcognitum.

## MORALITAS. PECCATVM.

22. **M**oralitas essentialiter consistit in relatione transcendentali ad obiectum, ut subditum regulis morum, à quo actus moralitas specificatur, quapropter essentialis ab obiecto desumitur à circumstantiis accidentalibus, utraque tum, ab actu, tum à libertate distinguitur. Eiusdem actum ex diversis principiis, bonum, & malum esse repugnat, actus autem ex obiecto malus nunquam potest à malitia excusari, quamquam bona intentione fiat: Unde falsa est illa quoque: *licitum est absolute desiderio*, &c. 14. Inn. XI. & 15. consimilis alique per multæ; actus in individuo indifferens repugnat per se.

23. Peccatum commissionis in positivo consistit, sicut & potentia peccandi, omne autem peccatum legi Dei contrariatur, ac in voluntate principaliter, ac intrinsecè residet, quod & suo modo appetitui sensitivo, non tamen aut sensibus, aut membris externis concedimus; ut autem mortale sit plena ex parte intellectus requiritur advertentia, plenusque, ex parte voluntatis consensus; sive autem ommissio sit, vel commissio, dummodo ex eodem motivo procedant, moraliter ad eandem pertinent speciem peccati.

24. Dividitur Peccatum in Personale, & Originale; hoc contrahunt quotquot per seminalem propagationem ex Adam descendunt (excipe Beatissimam Virginem) atque in sola earentia Originalis iustitiæ consistit contrahendo tamen peccatum Adæ in Divina abominatione irretractatum persistens, estque primo in specie superbiz, omnibusque per se, ac intrinsecè voluntarium, non quidem per modum exercitii formalis, ac verò terminativè per modum effectus ex ordine ad voluntatem Adami, ut præcontinentem voluntatem aliorum.

25. Ad peccatum reatus poenæ consequitur, infinitæ quidem ex iustitia quoad durationem, non tamen quoad intensiorem, vel sit poena damni,

damni, vel sensus; Pueri vero qui sine Baptismo decedunt, non sensus pœna puniuntur, sed damni. Differt mortale à veniali, quod primum sit contra legem simpliciter, secus autem secundum; Pervenienti verò ad usum rationis, sub mortali tenetur se in Deum convertere amore efficaci, atque ideo nullo pacto coniungi potest cum solo Originali Veniale.

## DIVINA GRATIA.

26. PRIMUS homo conditus est cum perfecta agendorum cognitione, & virium inferiorum subiectione, Gratia Sanctificante, Fide, Spe, & Charitate decoratus, unde ex amore iustitiæ sufficientem habebat potestatem actu datam ad implendum quodcumque præceptum in particulari, tam naturale, quàm supernaturale: *tales enim habebat vires ejus voluntas, ut perseverare, vel non perseverare in ejus relinqueretur arbitrio, & staret per liberum arbitrium,* D: Aug. de Con. & gr. cap. 12., at verò, quia causa secunda erat moveri debuit concursu prædeterminante.

27. Quinque sunt status naturæ, nimirum puræ integræ Originalis iustitiæ, lapsæ, & reparatæ: in omnibus indiget gratia ad cognoscendas omnes veritates collectivè sumptas, non tamen divisivè. In natura autem lapsa constitutus homo potest aliquod opus moraliter bonum efficere sine gratia, non igitur omnium infidelium opera peccata sunt nec tamen potest sine gratia, naturam sanantem, Deum super omnia diligere, gravesque vincere tentationes.

28. Sine gratia nullus cognoscere potest mysteria fidei, nec ad eam se propriis disponere viribus, adeoque facienti eisdem tantum, quod in se est, aut se non impediendi non confert Deus infallibiliter gratiam. Agnoscimus gratiam sufficientem, agnoscimus efficacem, primam quæ ad orandum sicut oportet sufficiat, efficax tamen non sit, secundam qua Deus facit ut faciamus, præbendo vires efficacissimas voluntati. D: Aug. de gr. & lib. arb. cap. 16., est ergo efficax ab intrinseco.

29. Gratia habitualis, qualitas est supernaturalis, naturæque Divinæ formalis participatio, hominem Deo gratum ex sua natura constituens, adeoque impossibilis cum peccato; ab illa virtutes omnes, & ipsæmet Fides, ac Spes dummodo eidem comproducantur, physice, realiterque dimanant, ut rigorose proprietates eiusdem: Perfectior simpliciter est quæcumque forma substantiali, & Beatitudine ipsa, non tamen unione Hypostatica, unde impossibilis est alia gratia in specie perfectior.



30. *Nihil mihi confesius sum, sed non in hoc justificatus sum*, nullus etenim scire potest, an odio dignus sit, vel amore, absque revelatione speciali. Nulla creatura potest gratiam producere principaliter, quæ tamen educitur, non creatur: Denique si quis dixerit in quolibet bono opere justum saltem venialiter peccare eidem anathema dicit Sacra Trid. Syn. sess. 6. can. 25., actus autem qui disponunt ad gratiam ab eadem gratia habituali eliciuntur:

31. *Fides est* (ad Heb. 10.) *Sperandarum substantia rerum argumentum non apparentium*, Donum Dei, virtus infusa theologica: hinc reprobatam habes Pelagianorum hæresim propriis eam viribus committentium, ac Semipelagianorum necessitatem gratiæ ad Fidei initium negantium; de quibus Arausic. 2. Can. 5. 6. 7. 8. Fidei ratio formalis sub qua est prima veritas in dicendo connotans primam veritatem in cognoscendo, ratio autem formalis, quæ, est prima veritas in essendo.

32. *Postulet in fide nihil hesitans*, lac. 4. nulla etenim hesitandi ratio cum Dei revelantis autoritate nitatur, primæ scilicet veritatis, quæ, nec fallere potest, nec falli; postulat ergo in assequendo firmitatem, quæ omnem, vel levissimam suspensionem excludat: Hinc igitur nobis excludenda venit ea propositio *assensus Fidei supernaturalis stat cum notitia solum probabilis*, &c. (Inn. XI. 21. inter 65. Non est ergo fides opinio, nec æstimatio, ut voluit Abailardus) sed certitudo firmitior Scientia, Sapientia, Intellectu.

33. *Impossibile est Deum mensuri* (ad Heb. 10.) hinc manifesta est Priscillianitarum blasphemia, Deum Authorem mendacii facientium; tanta igitur est infallibilitas fidei, ut ei, nec per se, nec per accidens possit subesse falsum. Regula fidei nostræ Ecclesiæ est à Spiritu Sancto directæ, *Evangelio non crederem*, inquit Aug. contra ep. fund. c. 5. *nisi me Ecclesiæ Catholicæ moveret autoritas*: Poterit tamen, cui aliquid immediate revelatum est, ut Prophetæ, Angeli, Apostoli, illud fide Divina tenere, quamvis non propositum ab Ecclesiâ.

34. *Quisquis adhuc prodigia, ut credat inquirat, magnum est ipse prodigium* (S. Aug. de Civit. 22. 8.) evidenter enim credibilia sunt nostræ fidei mysteria; Duplex autem est credibilitas speculativa una; qua cognoscimus digna fide Divina esse mysteria ut credantur, practica altera, qua judicamus hic, & nunc esse credenda; hæc supernaturalis est, potest illa non esse, Concilia legitime congregata, Pontifex ex cathedra loquens non possunt errare in materia fidei, ac morum.

35. Hæc propositio Clemens XI. est legitimus Petri successor immediatè de fide est, non tamen de fide est illam propositionem esse de fide, quamvis contrarium aliqua censura sit dignum. Concedimus Peccatoribus fidem, neque enim per quodlibet peccatum mortale amittitur, Triden. sess. 6. c. 15. non tamen aut Hæreticis, aut damnatis, neque etiam Beatis, adhuc autem & qui scientiam habent, fidem habere de eodem dicimus implicare. Hoc tandem necessarium est ad salutem, remuneratorem explicitè credere Incarnationis, ac Trinitatis misterium; reiicienda itaque venit 22. prop. inter 65. *non nisi fides unius Dei, &c.*

## SPES. AMOR. TIMOR.

36. **S**pes Virtus est Theologica à Fide, & Charitate distincta. Deum attingit ejus innitens auxilio ad consequendam salutem, seu vitam æternam: Habet igitur pro obiecto Deum, Beatitudinem obiectivam, quam quis sperat, pro ratione verò formali sub qua auxilium Divinum, ex quo sperat. De illa speciale præceptum est, quapropter falsa est ea prop. *Homo nullo unquam vita sue &c.* 1. Alex. 7. non tamen obligaret in casu, quod alicui facta fuisset relevatio suæ damnationis.

37. *Spes sine amore esse non potest*, S. Aug. Ench. ad Laur. ca. 8 Amor autem quidam perfectus est, quidam verò imperfectus, primus est amicitie, concupiscentie secundus. Insuper, & concupiscentia, aut casta est, aut servilis, inordinata prima non est, & sic diligere bonum est, secus esset, *si diligeret Deum propter Deum habendum, & hoc sit finis, in quo quiescimus, nam sic diligere malum est.* D. Th. op. 61. c. 3. Finis ergo proximus cujus gratia castæ concupiscentie Divina bonitas est.

38. Sicut Spes, ita & Timor ab Amore profluit, proinde mala sunt illa si malus amor, bona si bonus, D. Aug. 14. de Civ. c. 7. quandoque homo propter mala à Deo recedit, & timor mundanus est, quandoque ad Deum accedit, & tunc vel timore poenæ, & servilis, vel culpæ, & filialis, vel utriusque, & initialis est. Bonus itaque, & utilis est filialis, initialis, atque servilis, secundum substantiam spectatus, non ergo peccatum est, aut peccatores facit peiores timor gehennæ, per quam ad misericordiam Dei de peccatis condolendo confugimus. Tri. sess. 6. can. 8.

## C H A R I T A S.

39. **C**haritas virtutum omnium Regina forma est diffusa in cordibus nostris per Spiritum Sanctum, ab eo distincta, veraque inter Deum, hominemque amicitia. Cum Beguardis errat, & Beguinis, qui ad talem existimat perfectionem posse pertingere, ut ultra nequeat augeri. Hoc maximum mandatum est diliges Dominum Deum tuum ex toto corde tuo; tenetur itaque homo sub mortali vi hujus præcepti in principio, aliquoties in decursu, & in fine suæ vitæ moralis actum dilectionis Dei super omnia elicere.

40. *Qui dicit se nosse Deum, & mandata ejus non custodit, mendax est*, p. Jo. 2., si quis enim diligit me sermonem meum servabit, errat itaque Quietistarum secta docens mandatorum Dei curam habendam non esse ei, qui ad vitam pervenit unitivam, probatio si quidem dilectionis, operis est exhibitio: actus Charitatis non immediate à Spiritu Sancto; vel ab aliquo auxilio actuali, sed essentialiter procedere petit à gratia santificante tanquam à radicali principio.

## I N C A R N A T I O N I S M Y S T E R I U M.

41. **V**erbum caro factum est: possibilis subinde, imò de facto est Incarnatio, quamquam ne fines præscribamus Omnipotentiae Divinae non absolute necessaria, *qua poterat solo imperio suæ voluntatis humanum genus à dominatu Diaboli eruere* (S. Leo de pass. 14.) necessaria tamen simpliciter ad condignam, ac ex toto rigore justitiæ pro peccatis humani generis satisfactionem, qualem imò, & superabundantem Christus Dominus Æterno Patri pro nobis exhibere dignatus est.

42. Causa Christo Domino veniendi eam dicimus, *ut consummetur prævaricatio, & finem accipiat peccatum, ac deleatur iniquitas* (Daniel. 9.) vel cum Augustino loquamur. *Si homo non periisset filius hominis non venisset* (Serm. 8. de verb. Ap.) tolle igitur Adæ peccatum, & incarnatio ex vi præsentis decreti non erit: An autem saltem in carne impassibili non stante eodem peccato Christus venturusetset, cum justa revelata loquendum sit, negandum omnino nobis est.

43. Non semetipsum Christus glorificavit, ut Pontifex fieret, sed impreviis meritis propriis prædestinatus est ad filiationem Dei naturalem; nec Patribus antiquis gratiam, nec Beatæ Virgini Maternitatem in genere causæ efficientis promeruit. Potuit, & quamcumque naturam

com-

15

completam substantialem assumere ad subsistendum, non verò sup-  
positum; hinc habes nec materiam, formam, vel accidens posse ad  
subsistentiam assumi, benè quidem ad existentiam, quam unicam  
eamque divinam in Christo Domino sustinemus.

44. Quod verbum corpus assumpsit verum fuit, & reale, non phan-  
tasticum, ut non dubitarunt asserere Saturninus, Marcion, & Cerdo:  
Non coeleste, ut Valentinus volebat; non æternum, ut docuit Apolli-  
naris: sed terrenum, ac temporale: non anima destitutum, cujus loco  
verbum ipsum fuisset, ut primò somniarunt Apolinaristæ, sed rationali,  
nostræque simili anima actuatum, non tamen, aut fomitem peccati,  
aut peccandi potentiam assumpsit Sanctitas, ac puritas infinita.

45. Contra Monothelitarum errorem catholicè asserimus creatam  
cognitionem in Christo cum Divina inconfusam, ac triplici ejusdem  
Animam decoratam scientia cognoscimus, Beata scilicet, infusa, ac-  
quisita: habes jam quid contra eosdem hæreticos de voluntate sentia-  
mus. Vidimus eum plenum gratiæ, & veritatis, plenitudine tamen  
finita si de creata loquamur: Fuit hæc ipsi necessaria ad merendum,  
illaque connotando gratiam unionis caput Ecclesiæ constitutus est,  
quem tamen invenit filium Dei naturalem adoptivum non fecit.

## F I N I S.



Disputabuntur publicè in Eccl. S. Pauli  
Carmel. Discalc. Florentiæ  
Anno      Mense      Die      Hora

17  
The first of these is the fact that the  
the second is the fact that the  
the third is the fact that the  
the fourth is the fact that the  
the fifth is the fact that the  
the sixth is the fact that the  
the seventh is the fact that the  
the eighth is the fact that the  
the ninth is the fact that the  
the tenth is the fact that the

18  
the first of these is the fact that the  
the second is the fact that the  
the third is the fact that the  
the fourth is the fact that the  
the fifth is the fact that the  
the sixth is the fact that the  
the seventh is the fact that the  
the eighth is the fact that the  
the ninth is the fact that the  
the tenth is the fact that the

19  
the first of these is the fact that the  
the second is the fact that the  
the third is the fact that the  
the fourth is the fact that the  
the fifth is the fact that the  
the sixth is the fact that the  
the seventh is the fact that the  
the eighth is the fact that the  
the ninth is the fact that the  
the tenth is the fact that the

1028-11







